

Documenti riccaciati di à rivista di stampa di l'ADECEC

(<http://rivista.adecec.eu/index.php>)

I cuntrolli stradali rinforzati per sta fin d'annata

L'alcolu hè a prima causa di morte nant'à a strada. Per ste feste di fin'd'annata, i cuntrolli stradali seranu numerosi è digià cum'è l'avemu detta in Aiacciu 3000 etilutesti sò stati distribuiti à l'automobilisti per ch'è a ghjente si primureghji di i pericoli di l'alcolu.

Vinti nove cunduttori cuntrullati pusitivi in a notte di capu d'annu

Durante a notte di capu d'annu ci so stati numerosi cuntrolli stradali in tutta a Corsica. Malgradu l'impurtante campagna di prevenzione nant'à l'alcolu certi avianu decisu di cunduce ancu avendu betu. Vinti nove cunduttori so stati cusi cuntrullati pusitivi in Cismonte è ci so state quattru suspensione di permessu.

U piu bellu rigalu di sta prima notte di l'annu novu hè di rientre salvu

Sta sera lasciate a vittura à quelli chi ùn anu betu. In sta notte di a San Silvestru i cuntrolli stradali seranu rinforzati in a Corsica sana per assicurà di a securità di l'usageri. E cunsigne so chjare : u più bellu rigalu di sta prima notte di l'annu novu hè di rientre salvu ! Siate dunque attenti s'è vo surtite. Piuttostu chè di piglià a vittura sè vo site in u stau di briachina, state in u locu induv'è vo festighjate a fine di l'annu piuttostu chè di risicà a vostra vita. Ramintemu chi l'alcolu hè a principale causa d'accidente in Cismonte.

Accidente mortale in Grussetu Prugna

Ci hè statu un gravu accidente stradale eri sera in Pumonte à u livellu di a bocca San Ghjorghju, nant'à a cumuna di Grussetu Prugna. Un giuvanottu di vint'anni hè mortu allora ch'ell'hè statu cacciatu fora di u so veiculu. E dui passeggeri di a vittura so stati trasportati à l'uspidale d'Aiacciu. [...]

Accidente stradale in Castifau

Eri in fine di dopu meziornu ci hè statu un accidente stradale nant'à a cumuna di Castifau. Una vittura hà inticciatu un cignale è u cunduttore di a vittura hè statu pocu feritu mà u passeggeru di a vittura hè statu gravamente feritu è trasferitu à l'uspidale di Bastia da l'elicotteru di a securità civile.

Menu morti nant'à e strade

U numeru di i morti è di i feriti nant'à a strada di u dipartimentu hè calatu. Mà ci vole à sapè chi e forze di l'ordine cunruleghjanu assai i cumpurtamenti irrespunsevule. Dipoi u principiu di l'annu ci so state 852 suspensione di permessu di cunduce , è solu 344 in 2010. A prudenza hè quantunque sempre ricumandata nant'à e strade.

Snivamentu

U novu centru di snivamentu di Vizzavona hè statu inauguratu luni mattina da Paulu Giacobbi è Dumenicu Bucchini. Issu centru rimpiazza dunque u primu è addunisce infrastrutture muderne cù un spaziu di 1250m2. In più, ramintemu ch'è trè camerà lucalizzate à i giratoghji di Bucugnà, à a foce di Vizzavona è in u parcheghju di u « Chalet » permetteranu à a ghjente di cunnosce a situazione stradale.

Una donna rinversciata in Aiacciu da una motto

Eri dopu meziornu versu 5 ore 30 una donna d'una cinquantina d 'anni hè stata rinversciata da una motto nant' à a strada di i Sanguinari. Subitu sopr' à piazza i suldati di u focu anu succorsu a donna chi suffria di parecche ferrite abbastanza grave. Acunduttrice di a motto hè stata pocu ferita. E duie vittime so state trasportate d'urgenza à u centru ospitalieru di a misericordia.